

DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA, *

QUOD LIBETARIIS DISPUTATIONIBUS,
*manè disutienda, in Scholis Medicorum, die Jovis sextâ mensis
Februarii, anno Domini M. DCC. LXVI.*

M. JOANNE-BAPTISTA BOYER,

Antiquo Facultatis Decano, Regii ordinis Equite, Regis Consiliario
Medico in Supremo Senatu, ac in generali Præfectura Parisiensi,
Militarium Regni Nosocomiorum Inspectore, Censore Regio, Regiæ
Societatis Londinensis Socio, Regii Collegii Medicorum Nanceia-
norum socio Honorario, Doctore Medico, Præsîde.

An in Febris Maligis, post vena sectionem, citò citius Emeticum?

I.



UIDQUID humano corpore contrâ Naturam accidit, mor-
bus appellatur. Hinc inter morbos, qui animalem œconomiam
invadunt, febris recensenda, cum nihil aliud sit quàm sanguinis
motus præternaturalis acceleratio. Febris autem alia est lenta,
alia acuta. In febre lentâ, sola adest motus sanguinis acceleratio,
plerumque tamen intermissio. In febre verò acutâ observantur
& magnitudo pulsationum, & tensio. Ager plenitudinem,
siccitatem, erethismum ac capitis dolorem persentit. Respiratio citatior est, de-
fævit dolor circa renes ac in omnibus fermè ossium juncturis, molestatur ventri-
culus, os amarescit, saliva spissâ est ac glutinosa, parciore effunduntur urinæ,
imminuitur perspiratio, cæteræque functiones collabescunt, alvinæ fæces ob-
durantur, desiccantur, retinentur, &c.

Quamquam febris maligna de acutarum genere sit, nihilominus tamen pluri-
bus admodum discrepantibus symptomatis stipatur, nec à communibus causis
producitur, febris simplici similis; pulsus enim similis naturali, & urinæ dilutæ
flavæ, nihil mali ægro portendere videntur. At gravissima insurgunt symptomata,
ut delirium, phrenesis; quasi fracta concidunt membra, gravatur caput, ut
pondere quodam oppressum. Non minùs debilis est æger, quàm si è gravissimo
morbo convalesceret, delirat interdum, interdum ratione gaudet suâ. In hocce
eodemque statu permanet duobus aut tribus dein diebus; mox pulsus rigescit,
exsiccatur cutis, nigrescit lingua, licet potiones adhibeantur refrigerantes, caput
magis ac magis corripitur, succedit delirium, phrenitis. Exacerbatur febris,
symptomata adaugentur. Ager quandoque videtur moribundus; paulò post
tranquillus est, uno verbo spera. inter merumque fluctuat semper, prodeunt
quoque tendinum subsultus, coma vigil, somnolentum, frequentissima synco-
pes, vomitus sine causâ manifestâ, convulsionones in faciei musculis præsertim; tan-
dem erumpunt pustulæ rubræ, nigræ, abscessus, bubones & alia quàm plurima, &c.

* Auctore M. JOANNE S. JOIRE, D. M. P.

A

A B omni ævo ascripta est causa febrium malignarum certis miasmatis in sanguinem intromissis, motum febremque excitantibus. Posteriori sæculo nova surrexit opinio, à D. *Chirac* propolita. Vir ille, cum ex professo morbum pestilentialem curasset, cadaverum sectionibus compertum habuit cerebrum inflammari; inde sanandi methodum deduxit Saphenæ sectione esse tentandam. Eam felices successus confirmarunt.

Notandum tamen venit, plurimas esse malignas febres absque inflammatione cerebri. Nedium praxis D. *Chirac* in hisce febribus usurpanda sit, quin imò prorsus respuenda. Plerumque enim in his nullus sentitur capitis dolor, vultus nedium rubeat, tumeat, concidisse videtur; plerumque etiam ut malignæ solo exacerbationis tempore apparent.

Febrium malignarum causas à miasmatis primarum viarum, sanguinem inficientibus deducendas demonstrat, earum per evacuantia sanatio. Plurimæ enim malignæ censentur febres, quæ ab hac unicâ causâ pendent. Ipsa tamen sanguinis putrefactio, quæ stasi ac concrecentiæ debet originem inter causas sanè annumeranda. Plerumque secretiones imminutæ, gangrena quarundam partium, ipsiusmet aëris contagio ansam præbent febri malignæ. His causis addi etiam possunt mœror, & tristitia; nihil enim vulgarius est quàm ejusmodi febres malignæ in iis qui nuperrimè è regione suâ excesserunt; in annonæ caritate, cum quocumque alimentorum genere vefei cogimur.

At verò cujusnam Naturæ miasmata sanguinem contaminantia; acidane? an alkali? Germani existimantes acida, in febribus malignis terras abforbentes, corallia, &c. alii verò alkali; præscribunt acida. Alkali-volatilem naturam horum miasmatum omnia demonstrant; sive diutius in vasis stet sanguis, sive velocius solito promoveatur. Animalia corpora sibi permessa, calori exposita concipiunt fermentationis motum. Integrantes fluidorum partes in sua resolvuntur principia, nova constantur entia, exurgit alkali-volatile cum exigua olei parte immixtum injucundissimè nares afficiente. Quid tale in corpore humano generari demonstrat peculiaris perspirationis odor in cacochymicis, præsertimque in iis qui vitam agunt desidem, peculiare illud effluviū melancholicarum affectionum hystericarumque gignit insultus quos semper comitatur dolor. Quin & sanatio per acida blanda contra refragantiores alkali invictè probare possit. Sive contractiori alveo agatur sanguis, sive rarefactione & calore expansus sit, si diutius in eo statu permaneat, totam ipsius molem dissolvere necesse est, brevi enim tempore, quidquid serosi inest, calore absorbitur, concrevit in viscositatem inflammatoriam, resolvitur in sales volatiles & olea acria machinam humanam brevi erofura.

In febribus malignis, post venæ sectionem, emeticum propinare quid obstat? An subjecti debilitas? Vires opprimuntur quantitate saburræ. An quod addit saburræ dubium est? nausea, vomitus ipse præmonstrat. An violenta contractio musculorum abdominis & dolores in ventriculo & intestinis enati? at momentanei sunt. An inflammationis periculum? cavet & obest præmissa venæ sectio. Missio sanguine, fuscitate ab emeli contractiones nullam ergo inflammationem inducunt. Quin imò sanguis in alveo manat celerior, calor à rarefactione aut à quantitate pendens extinguitur, peraguntur secretiones facilius, reintegrareturque omnium partium actio, si stabulans in ventriculo & intestinis evacuetur saburræ; quod optime succedit, citò citius exhibito emetico.

I I I.

IN ægri perniciem sæpè judicantur febres malignæ. Febrium initii nulla speranda crisis; insidiosa levatio sine signis levationis. Febricula cum comate & capitis dolore mortifera. Ut plurimum adeò sævam induit faciem,

ut celeritate & nocentia periculo bilis & nigrae aggravescent. Quod si ab initio hi morbi non debellantur, in mortem abeunt citissimam, ut plurimum in inflammationem cerebri, pulmonis, abdominis, quin imò in eandem partium suppurationem & gangrenam. Quoties autem in sanationem abeunt, illud fit per metastases; bubones nempe, parotides, aurium abscessus, sudores, alvi excretiones, &c. Medici officium est non modò præsentem morbum sanare, sed & futuros præcavere. Primariis malignorum morborum symptomatis, faviora succedunt, quæ Medico incumbunt eradicanda. Febris maligna primùm continua exacerbatur tantùm digestionum vitio ac magis corruptæ in ventriculo saburræ præsentia. Secretiones ferè omnes tunc supprimuntur, urina parca aut nulla mingitur, cutis arefcit, nigrescit lingua, tremula exferitur, convulsionibus exercentur maxilla inferior & faciei museuli, tumet abdomen, totum corpus occupant exanthemata. Hæc ingravescent omnia, neglectis ab initio evacuantibus. At quanam usurpanda sunt evacuantia? Nonne calor febrilis omnis evacuantis inimicus? Nonne indicationum natura idem prohibet? Minimè in his difficultatibus immorandum. Urgentiori casui occurrendum, ac optandum esse causæ primùm, symptomati deinde præcipit. Hippocrates: quod quidem non tutius quàm emeli perfici potest. Fugit irreparabilis propinandi occasio. Omnibus pollet ad attingendum scopum facultatibus: 1.º. Citò citiùs suum fortitur effectum, copiosius ventriculorum evacuat quàm quodlibet evacuens: 2.º. Irritationem tantùm inducit omni purgante: leviozem. Materiei in ventriculo nidulantis egestionem antecedit lysis, lipothimia, syncope, delabuntur à cerebro ad ventriculum spiritus animales, partium internarum & ventriculo inferiorum atonia liberum præbet facibus alvinis descensum, copiosa salivæ excernitur quantitas. Mox sequitur convulsiva maxillæ inferioris depressio, dein factâ inspiratione contradisque musculis abdominalibus & ventriculo, inerte diaphragmate, expellitur fursùm & ut plurimum deorsum hujusce materiæ abundans copia. Hæc autem si diutius in intestinis retineatur, magis ac magis putrescit, à venis meseraicis exsurgit & ad subclaviam venam per ductum thoracicum & ad cor transvehitur. Hinc pulmones emensa totam sanguinis molem inficit, & partes solidas incendio & vi sua deleteria consumit. Nullæ febres longiori tempore solvuntur quàm febres malignæ. Etenim ad 30, 35, 45, dies producantur, nullæ pepasmo resistunt contumacius. Quid ut citò solvantur emetico potentius?

I. V.

NULLA majoris est momenti methodus eâ, quâ non modò præsentia mitescent symptomata, sed & præcaventur futura, & quâ bona pars hominum febre malignâ correptorum ab Orci faucibus eripitur. Cui ut obtemperemus, natura, causæ & febris præcipiunt. Præmissâ venæ sectione, non unâ tantùm vice exhibeatur emetica potio, aut iteretur pro casus exigentiâ. Magistra edocuit Medicos experientia omnes alvi fluxu tentatos in febribus malignis, licet cum signis crudelitatis, fuisse sanatos (a). Alvus laxa semper servetur, nullus morbus adeò evacuantium usum requirit. Hæc Naturæ via si deficit, arte juvanda, morbum sequi, pepasum, crism expectare nefas (b). Licet ea movere quæ in perturbatione criticâ non judicantur feliciter. Venter tartaro stibiato destituti, helleboro autem & azaro ad ciendum vomitum instructi; thithymale, cucumero silvestri, aloë, myrrha evacuandos esse humores solo coctionis tempore meritò affirmabant. Nulla enim medicamenta sunt quæ ardorem, inflammationem citiùs ciant. Ac nedum resciant vires, contra exhauriant; insidiosamque levationem sine signis levationis afferunt. Plenâ dosi tutissimè vomitum excitat tartarum stibiatum, refractâ autem blandè alvum subducit, eo solo per totum malignarum decursum uti possumus, Suam

(a) Hippoc. lib. Epid. Galenus de atra bile, cap. IV. Fabius Columna de pestilenti febre, Vallioli, observ. 1. 6. de febribus Skenzius observ. 1. 6. de febri. Riverius observ. Centuria 1. observ. 47. & 57. item centuria 2. observ. 34. & 87.

(b) Senertus de febrib. Manardus lib. 23. Epist. ad Barthol. Carandinum de expectando pepasmo Hippocratis doctrinam refutat.

actionem in ventriculum & intestina exiit, nullum languini præternaturalem motum suâ ab intestinis translatione impertitur. Nec eo tantum nomine commendandum quod in febribus malignis sit necessarium, verum etiam quod in omnibus serè febribus prosit maximè, vel in ipsâmet febre lentâ. Quid in anginâ tutius præmissâ venæ sectione? Quid in variolis felicijis succedit? Non minus curiosa quàm notabilis est hanc in rem observatio Riverii, de quodam qui ex symptomatibus, dolore capitis & nausèa se peste laborare conjecit; illicò pennam oleo illitam in fauces immisit, quâ educatâ per vomitum materiâ primum ferosâ, dein flavâ, tandem porraceâ, in lectum se contulit; jusculum sumpsit & illicò convaleuit.

V.

VETERUM Medicorum, in curandis febribus malignis, praxim nedum imitemur; contrâ, suprà expositæ recentiorum methodo incumbendum esse unicè censemus. Aiunt enim veteres: in febre malignâ prostratæ vires, pulsus exilis & inflammationis absentia tum à venæ sectione, tum ab emesi dissuadere videntur, solisque potionibus cardiacis utendum, ut à corpore perspirationis beneficio heterogenea eliminentur miasmata. At quamvis plurimæ febres malignæ inflammatione destituantur, non idcirco rejicienda methodus nostra. Idèò enim obruuntur vires, quod in primis viis hæreat insarctus & saburra; quæ nisi per vomitum evacuetur, brevi corpus universum pessumdaret. Causâ verò avulsâ, evanescunt symptomata, quâ autem remanente certò certius ingravescerent. Cardiacæ ne adhibueris, cum felix docuerit experientia hæc febres rarissimè, si unquam, solvi sudoribus, solis verò sanari posse purgantibus. Concocta purgare oportet non cruda, instabunt adversarii. Istius aphorismi falsitatem rationibus in thesi allatis probavimus; dum enim materia turget, evacuanda, semper autem turget in febre malignâ. In febribus malignis cum inflammatione cerebri, saltem ab emetico cavendum & abstinendum. In vomitu nempe convellitur abdomen, facies valde rubet, inflammantur oculi, vomitus sanguinis seu hæmophthisis excitatur: Ne dum horum symptomatum terrore perculsi, ab opinione nostra deterreamur, quin imò eidem fortius adheremus, cum aliundè certâ experientiâ compertum sit, methodum assignatam non modo sanandis febribus malignis, sed etiam ipsimet peripneumoniz competere.

Ergò in Febribus Malignis, post venæ sectionem, citò citius Emeticum.

DOMINI DOCTORES DISPUTATURI,

<i>M. Philippus QUERENET.</i>	<i>M. Franciscus PORTIER</i>	<i>M. Jacobus - Albertus</i>
	<i>DE LA HOUSSINIÈRE.</i>	<i>HAZON.</i>
<i>M. Carolus - Ludovicus - Franciscus ANDRY.</i>	<i>M. Stephanus - Ludovicus</i>	<i>M. Claudius - Carolus</i>
	<i>GEOFROY, Societatis Bonariæ Florentina Socius.</i>	<i>DEJEAN.</i>
<i>M. Maubeus-Thomas LA CASSAIGNE.</i>	<i>M. Dionysius PAULTIER</i>	<i>M. Franciscus - Felicitas</i>
	<i>DE LA BREVILLE, S. S.</i>	<i>COCHU.</i>
	<i>Delphini & Delphina</i>	
	<i>Medicus primarius designatus.</i>	

Proponebat Parisiis JOANNES-STANISLAUS MITTIÉ, Parisinus, Doctor Remensis, Stanislaus Primi, Poloniarum Regis, Medicus Ordinarius necnon Saluberrimæ Facultatis Medicinæ Parisiensis Baccalaureus, A. R., S. H. 1766. A SEXTA AD MERIDIEM.

Typis QUILLAU, Universitatis & Facult. Med. Typographi. 1766.